



Bosna i Hercegovina
Federacija Bosne i Hercegovine
Kantonalno tužilaštvo
Zeničko-dobojskog kantona

Broj: **06/04-11-8-2-4-R12/25**
Zenica, 04.03.2025. godine

Na osnovu člana 70. Zakona o javnim nabavkama („Sl. glasnik BiH“, broj 39/14, 59/22), a u skladu sa Izvještajem o radu Komisije broj: 06/04-11-8-R12/25 i Preporukom Komisije za provođenje postupka javne nabavke od 03.03.2025. godine, za dostavu ponuda za nabavku tonera za printere i fotokopirne aparate za potrebe Kantonalnog tužilaštva ZDK, Glavni tužitelj Kantonalnog tužilaštva/tužiteljstva Zeničko-dobojskog kantona, donosi:

ODLUKU **o izboru najpovoljnijeg ponuđača**

Član 1.

Za najpovoljnijeg ponuđača po provedenom postupku javne nabavke za isporuku tonera za printere i fotokopirne aparate za potrebe kantonalnog tužilaštva ZDK, izabran je ponuđač: **„NEW TONER PRINT“ d.o.o. Zenica, sa iznosom ponude od 10.479,00 KM bez PDV-a**, broj ponude: 12-02-001/25.

Član 2.

Prijedlog Okvirnog sporazuma o nabavci roba dostavit će se na potpis izabranom ponuđaču iz člana 1. Odluke.

Član 3.

Za izvršenje ove odluke zadužuje se Odsjek za finansijsko materijalne poslove.

Član 4.

Ova odluka stupa na snagu danom donošenja.

Član 5.

Ova odluka objavit će se na web-stranici www.kt-zenica.pravosudje.ba, istovremeno sa upućivanjem ponuđačima koji su učestvovali u postupku javne nabavke u roku od 7 dana, shodno članu 70. stav 6. i člana 71. stav 2. Zakona o Javnim nabavkama BiH.

Obrazloženje

Na osnovu Plana javnih nabavki broj: 06/04-11-8-2/25 od 22.01.2025. godine, donesena je Odluka o pokretanju postupka nabavke tonera za printere i fotokopirne aparate za potrebe Kantonalnog tužilaštva ZDK broj: 06/04-11-8-2-R12/25 od 29.01.2025. godine. Postupak javne nabavke pokrenut je putem portala Javne nabavke.

Procijenjena vrijednost javne nabavke, bez PDV-a, iznosila je **27.000,00 KM**.

Obavještenje o tenderskoj dokumentaciji objavljeno je na portalu Javnih nabavki dana 30.01.2025. u 09:11^h pod brojem: **5486-7-1-3-3-2/25**.

Komisija za provođenje postupka javne nabavke, imenovana Rješenjem broj 06/04-11-8-2/25 od 24.01.2025. godine, sačinila je Zapisnik o ocjeni ponuda sa Izvještajem o radu Komisije i Preporukom komisije o izboru najpovoljnijeg ponuđača u postupku javne nabavke usluga za isporuku tonera za printere i fotokopirne aparate za potrebe Kantonalnog tužilaštva ZDK.

U postupku donošenja Odluke o izboru najpovoljnijeg ponuđača utvrđeno je da je Komisija za provođenje postupka javne nabavke blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda; 5 (pet),
- da je blagovremeno zaprimljeno 5 (pet) ponuda,
- da nije bilo neblagovremenih ponuda,
- da je 1 (jedna) ponuda utvrđena kao nepravilna, koju je u skladu sa Zakonom o javnim nabavkama BiH potrebno odbaciti,
- da je zakazana i održana e-aukcija na datum 27.02.2025. u 11:00 sati, završena u 12:26 sati.
- da je najpovoljnija ponuda ponuđača „**NEW TONER PRINT**” d.o.o. Zenica sa ukupnom cijenom bez PDV-a **10.479,00 KM**.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U zapisniku o pregledu i ocjeni ponuda broj: 06/04-11-8-R12/25 od 03.03.2025. godine navedeno je da je tačkom 4.1.6. Tenderske dokumentacije, propisano je da sve strane ponude moraju biti numerisane na način da je vidljiv redni broj stranice ili lista u skladu sa članom 8. stav (6) i (7) Uputstva za pripremu modela tenderske dokumentacije i ponuda. Ako ponuda sadrži štanu literaturu, brošure i kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati.

Članom 2. stav 1. tačka l) Zakona o izmjenama i dopunama Zakona o javnim nabavkama („Službeni glasnik BiH”, broj 59/22) propisano je da je nepravilna ponuda ona koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Uvidom u ponudu ponuđača „ALF-OM” d.o.o. Banja Luka, vidno je da iza stranice broj “36/46”, stoji redni broj stranice “27/46”, zatim broj “28/46”, a zatim broj “39/46”, iz čega proizilazi da je ponuđač u ponudi prilikom numerisanja stranica izgubio kontinuitet u numerisanju obzirom da je iza stranice broj „36/46”, dodao stranicu “27/46”, pa “28/46” a iza toga “39/46”.

Obzirom na činjenicu da je izgubljen kontinuitet u numerisanju stranica, navedena greška se ne može smatrati manjim odstupanjem, shodno analognom tumačenju odredbe člana 8. stav. 7. Uputstva za pripremu modela tenderske dokumentacije.

Imajući u vidu gore navedeno, ponuda ponuđača ALF-OM d.o.o. Banja Luka **odbačena je kao nepravilna, obzirom da ista nije u skladu sa Tenderskom dokumentacijom.**

U postupku ocjene provedenog postupka, nisu nađeni razlozi za nepravilnosti i propuste u radu Komisije, koji bi bili osnova za neprihvatanje Preporuke Komisije za provođenje postupka javne nabavke. Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da izabrani ponuđač „NEW TONER PRINT” d.o.o. Zenica, sa ukupnom cijenom bez PDV-a **10.479,00 KM** primjenjujući kriterij najniže cijene tehnički zadovoljavajuće ponude, ima najpovoljniju ponudu.

Shodno navedenom odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Kantonalnom tužilaštvu/tužiteljstvu Zeničko-dobojskog kantona, najkasnije u roku od 5 (pet) dana od dana prijema odluke.

Glavna tužiteljica
Vesna Kaknjo

The image shows a circular official stamp of the Zeničko-dobojski kantonalni tužilaštvo (ZDKT). The stamp contains the text "Zeničko-dobojski kantonalni tužilaštvo" and "Hercegovačka / Federacija BiH". In the center of the stamp is a shield with a scale of justice and a sword. A handwritten signature is written over the stamp.

Dostavljeno:
1x Učesnici u postupku javne nabavke
1x a/a